



2191 марта кўрилган

Жаннат билан дўзахга иймон келтириш ҳақида

Жаннат билан дўзахга иймон келтириши мавзусидаги дарсимида Абу Жаъфар Ат-Таҳовийнинг «Жаннат билан дўзахга иймон келтириш» китоби ва унга шарҳ ёзган Алий бин абил-Из Ад-Димашкийнинг (барчаларини Аллоҳ Ўз раҳматига олсин) китоблариiga асосланамиз. Ат-Таҳовий мавзумиз ҳақида қуидаги матнни келтирадилар:

Жаннат билан дўзахга иймон келтириши мавзусидаги дарсимида Абу Жаъфар Ат-Таҳовийнинг «Жаннат билан дўзахга иймон келтириш» китоби ва унга шарҳ ёзган Алий бин абил-Из Ад-Димашкийнинг (барчаларини Аллоҳ Ўз раҳматига олсин) китоблариiga асосланамиз. Ат-Таҳовий мавзумиз ҳақида қуидаги матнни келтирадилар:

Жаннат билан дўзах яратилган. Улар ҳеч қачон йўқ бўлиб кетмайдилар. Зоро, Аллоҳ таоло жаннат билан дўзахни халқларини яратишидан аввал яратди ва уларга ахллар (яъни жаннатга кирадиган солиҳларни ва дўзахга кирадиган коғирлар ҳамда фосиқларни) яратди. Ул зот халқларидан кимни жаннатга истаган бўлса, Ўзининг фазли (ва раҳмати) туфайлидир. Кимники, дўзахга тушишини хоҳлаган бўлса,adolатли бўлганлигидандир. Халқларнинг ҳар бири (тақдирига ёзиб қўйилган нарсаларни қилувчи ва у учун яратиб қўйилган жойга боргувчидир.



“Жаннат билан дўзах яратилган” деган Ат-Таҳовий раҳимаҳуллоҳнинг сўзларини шарҳловчи шорих қуидагича баён қиласидар: Жаннат билан дўзахни яратиб қўйилгани ва ҳозирда мавжуд эканлигига ахли суннат уламолари иттифоқ қилишган. Муътазила ва қадария фирқалари бу мусаффо эътиқодни инкор қилишди.

Муътазила фирмаси: Булар Амр бин Убайд, Восил бин Ато ва уларнинг шогирдлари бўлади. Муътазила калимаси, четга ажралиб чиққанлар маъносини англатади. Булар иккинчи ҳижрий аср бошларида Ал-Ҳасанул-Басрий роҳимаҳуллоҳ мажлисидан ажралиб, ўзлари алоҳида четда ўтиришарди. Катода роҳимаҳуллоҳ каби олим тобиъийлар: Булар муътазилалар бўлади, дейишарди. Шу ўринда мавзудан ташқари бўлса ҳам маълумот учун адашган муътазила тоифасининг ақидаси тўғрисида тўхталиб ўтамиз, иншаАллоҳ. Муътазилалар ўз мазҳабларини бешта аслга бино қилишган. Уларни қуидагича номлайдилар: Адл, тавҳид, ваъийдни бажариш, икки манзил орасидаги манзил ва яхшиликка амр қилмоқ ҳамда ёмонликдан қайтармоқ. Муътазилалар бу асосларида ҳакқа ботилни кийгизиши. Зоро, бидъат аҳлининг аҳволи шунаقا бўлади.

Адл: Муътазилалар, бу асосларида Аллоҳга адолат сифатини беришиб, бунинг ниқоби остида тақдирга иймон келтиришни йўққа чиқариши. Айтишдик: Аллоҳ таоло ёмонликни яратмайди. Чунки, ёмонликни бандаларига қисмат қилиб, сўнг уларнинг қилмишлари учун уларни азоблаш, зулм бўлиб қолади. Аллоҳ таоло адолатли зот, зулм қилмайди. Муътазилаларнинг бу бузук асосларидан шу нарса келиб чиқадики, Аллоҳ таолонинг мулкида, Ул зот хоҳламаган нарсалар ҳам бўлиб кетаверади ва У зот бир нарсани хоҳлаганда, у нарса амалга ошмайди. Масалан, Аллоҳ таоло хоҳламаса ҳам қотил ўз хоҳиши ва қуввати билан одам ўлдиради, деб тушунишади. Улар Аллоҳни



ожизлик сифати билан сифатлаган бўлишади. Аллоҳ таоло бу нарсалардан пок зотдир.

Тавҳид: Муътазилалар тавҳиднинг ниқоби остида Қуръон маҳлук деган сўзларини яширишади. (аҳли суннат вал-жамоат эътиқодида Қуръон Аллоҳнинг каломидир, маҳлук эмас.) Улар бу бузук сўзлари билан Аллоҳнинг илми, қудрати ва бошқа сифатларини яралмиш нарсага чиқариб қўйишади.

Ваъийдни бажариш: (Қуръон ва ҳадисдаги дўзах, азоб, Аллоҳнинг ғазаби ва лаънатидан қўрқитиши каби ворид бўлган далилларга ваъийд далиллари дейилади. Муътазилалар айтишадики, агар Аллоҳ таоло бандаларининг баъзиларини азоб билан қўрқитса, ваъдасини бузиб уларни азобламаслиги тўғри бўлмайди. Чунки, Аллоҳ таоло ваъдасига хилоф иш тутмайди. Шунда муътазилалар тушунчасида Аллоҳ таоло бир бандани афв этишини хоҳласа ҳам, афв эта олмайди ва мағфират қилишни истаган кишисини ҳам кечира олмайди.

Икки манзил орасидаги манзил: Муътазилалар тушунчасида катта гуноҳ қилган киши иймондан чиқади. Аммо куфрга кирмайди. Яъни мўмин ҳам бўлмайди, кофир ҳам бўлмайди. Иймон ва куфр орасидаги манзилда бўлади. (Китоб ва суннатнинг кўп далилларига асосан уларнинг бу тушунчаси ботил).

Яхшиликка амр қилиб ёмонликдан қайтармоқ: Муътазилалар айтишдики: Биз нимага буюурилган бўлсак, бошқаларни ҳам шунга буюришимиз шарт ва бизга нима лозим бўлса, бошқаларни ҳам шунга мажбурлаймиз. Улар бу қилмишларини амри маъруф ва нахий мункар дейишиди. Бунинг ниқоби остида мусулмон халифалар зулм қилишганда уларга қарши бош кўтариб жанг қилиш дуруст бўлади,



деган тушунчаларни яширишади. (Мусулмон халифа агар зулм қилиб қўйса ҳам унга итоатсизлик қилишдан Расулуллоҳ соллаллоҳу алайҳи ва саллам кўп ҳадисларида қайтарганлар).

Муътазилаларнинг юқорида зикри ўтган бешта бузук аслларини ботил эканлигига асос бўладиган оятлар ва ҳадислар жуда кўп.

Аллоҳнинг тақдирини инкор қилган фирмага қадария фирмаси дейилади. Бу икки тоифа даъво қилишдики, қиёмат кунидан олдин жаннатни яратиш беҳуда бир ўйиндир. Шунаقا бўлмаса жаннат узоқ вақт бўш туриб қолади. Булар ўзларига ботил шариат пайдо қилишди. Мана шу шариатларига тескари бўлган оят ва ҳадислар маъноларини ўзгартиришди. Одамларни адаштириб бидъатлар пайдо қилишди.

Аллоҳ таолонинг жаннат билан дўзахни яратиб қўйганлигига Қуръон далиллари қуйидагича: Аллоҳ таоло Оли Имрон сурасининг 133чи оятида бундай дейди:

«133 : ﴿ۚۚۚۚۚۚۚۚ﴾ «ۚۚۚۚۚۚۚۚ﴾)

Маъноси: “Жаннат тақвадорлар учун тайёрлаб қўйилган”. Шу суранинг 131чи оятида айтадики:

«131 : ﴿ۚۚۚۚۚۚۚ﴾ «ۚۚۚۚۚۚۚ﴾)

Маъноси: “Дўзах кофирлар учун тайёрлаб қўйилган”.

Бу борадаги Расулуллоҳ соллаллоҳу алайҳи ва саллам дан ривоят қилинган ҳадислар қуйидагича:

-Алас розияллоҳу анҳу нинг Исро киссасидаги ҳадисларида



Расулуллоҳ соллаллоҳу алайҳи ва саллам ни: “Кейин жаннатга кирдим” деган сўзлари бор. (Бухорий ва Муслим ривоятлари).

-Яна Анасадан бўлган бир ривоятда Ул зот соллаллоҳу алайҳи ва саллам айтадиларки:

» .«**ପ୍ରକାଶନ ମାତ୍ରାରେ ଏହାରେ କିମ୍ବା କିମ୍ବା କିମ୍ବା କିମ୍ବା କିମ୍ବା କିମ୍ବା କିମ୍ବା**
:କିମ୍ବା କିମ୍ବା) .«**କିମ୍ବା କିମ୍ବା କିମ୍ବା**» :କିମ୍ବା କିମ୍ବା କିମ୍ବା କିମ୍ବା କିମ୍ବା :କିମ୍ବା
3/83 :**କିମ୍ବା କିମ୍ବା** 426)

Маъноси: “Менинг жоним Унинг қўлида бўлган зот билан қасам ичаманки, агар сизлар мен кўрган нарсаларни кўрганингизда эди, шубҳасиз кам кулиб кўп йиғлаган бўлар эдингиз”. Нималарни кўрдингиз, ё РасулАллоҳ? деб саҳобалар савол сўрашганда, “Жаннат ва дўзахни кўрдим” деб Ул зот жавоб бердилар.

-Абу Хурайра розияллоху анҳу дан ривоят қилинади, Расулуллоҳ соллаллоҳ алайҳи ва саллам айтадиларки:



(:0999 0 04-7/3:0000000 0 2563 :0000000 0 04744 :0000 000 0000
000 0000 0 0373035402/233.)

Маъноси: “Аллоҳ жаннат ва дўзахни яратиб, Жибрийлни жаннатга юбораётганда айтдики: Боринг, жаннатга ва унда жаннатийлар учун тайёрлаб қўйган неъматларимга боқинг. Шунда Жибрийл бориб жаннатга ва унинг аҳли учун у ердаги Аллоҳ тайёрлаб қўйган нарсаларни кўриб қайтдилар-да, кейин айтдилар: Эй Роббим, иззатинг ила қасам ичаманки, жаннат тўғрисида ким эшитса, албатта нима қилиб бўлса ҳам унга киради. Кейин Аллоҳ таоло машаққатлар билан ўралгин, деб жаннатга амр қилиб, Жибрийлга айтдики: қайтиб боринг, жаннатга ва унинг аҳли учун у ерда тайёрлаб қўйган неъматларимни кўринг. Шунда Жибрийл яна бориб кўриб, сўнг қайтганларида айтдиларки: Эй Роббим, иззатинг билан қасам ичиб айтаман: Жаннатга бирор кишини кира олмаслигидан чўчиб қолдим”.

Жибрийл 000000 0000 жаннатга биринчи марта борганларида, эшитган киши унга киради деб келдилар. Ўшанда жаннатга кириш шартларини Аллоҳ таоло унга хали билдирамган эди. Иккинчи марта бориб кўрганларида, Аллоҳ таоло унга жаннатга етиш учун машаққатлар борлигини билдириди. Жаннат атрофи машаққатлар билан ўралган. Ҳадисдаги машаққат маъносини Ибни Хажар роҳимахуллоҳ Фатхул-Борий китобларида қуидагича шарҳлайдилар: Машаққат деганда балофат ёшига етган инсонни нафси билан курашиши ва қилиши лозим бўлган ибодатларини ҳар доим қилиш ҳамда тарк этилиши шарт бўлган қайтариқлар, ҳаром ва номаъқул қилмишлар ва бузук сўзлардан тийилиш назарда тутилади. Бу нарсаларга амал қилиш инсонга оғир бўлгани учун машаққат сўзи юритилди. Инсонга мусибат етганда сабр қилиши ва Аллоҳнинг тақдирини аччиқ томонига ҳам иймон келтириб таслим бўлиши ҳам,



юқоридаги мاشаққат калимасининг маъноси остига доҳил бўлади.
(Фатхул-Борий 11 чи жуз).

Ҳадиснинг давоми: "Кейин Аллоҳ Жибрийлни дўзахга юбориб айтдики: Боринг, дўзахга ва унинг аҳли учун у ерда ҳозирлаб қўйган азобларимни кўринг. Жибрийл бориб дўзахга қарасалар, бири-бирига мингандахшатли экан. Сўнг қайтиб айтдиларки: Эй Роббим, иззатинг или қасам ичиб айтаманки, дўзах тўғрисида эшитган киши борки, унга кирмайди. Кейин Аллоҳ, шахватлар билан ўралгин деб дўзахга амр қилиб Жибрийлга айтди: Боринг, дўзах аҳли учун у ерда ҳозирлаб қўйилган азобларимни кўринг. Жибрийл бориб кўрдилар-да, сўнг қайтиб келиб айтдиларки: Эй Роббим, иззатингга қасамки, бирор киши дўзахдан нажот топа олмасдан унга тушиб қолишидан чўчиб қолдим".

Ибни Хажар ҳадисдаги шахватлар калимасини қуидагича шарҳлайдилар: Шахватлар деганда, шариат ҳаром қилган дунёдаги лаззат баҳш этадиган қилмишлар ёки шариат амр қилган буйруқларни тарқ этиш назарда тутилади. Шунда ҳадисдан тушуниладиган маъно шуки, инсон жаннатга етиб бориши учун албатта мешаққатларни босиб ўтиши керак. Дўзахга эса, бу дунёда шахватларга хизматчи бўлган кимсалар қулайди. (Фатхул-Борий 11 чи жуз).

Аллоҳ таоло бизни ҳам, Сизларни ҳам аҳли суннат вал-жамоат эътиқодида сабит қилиб, махшар кунида Пайғамбаримиз соллаллоҳу алайҳи ва саллам жамоатлари зумрасида тирилтирсин!

Фойдаланилган китоблар:

1. - Алий бин Алий бин Мухаммад бин абил-Из Ад-Димашкийнинг

«Ҷаннат билан дўзахга иймон келтириш ҳақида» китоблари.
2. - Ибни Хажар Ал-Аскалонийнинг «Ҷаннат билан дўзахга иймон келтириш ҳақида» китоблари.